

嘉靖青州府志

地 149.77
1275
部三: 6

青州府志卷之九

學校

夫魯修泮宮鄭存鄉校載籍具矣齊惟盛國迄無聞焉豈三代之世膠庠術序率為故典必因事始見歟抑亦還盧競而絃歌息也

明興學校遍天下而青郡奄有齊履為

國左輔迪訓作人品式備具一變至道其在茲矣

府儒學舊在府治西北 國朝洪武五年 詔建

齊藩知府李仁徙建西南 元太虛宮故址 中為 先師廟

學校 天 青肅府志卷九

東西列兩廡前為廟門門之東為神庫外為泮池

跨一石橋東西為碑亭者二又前為櫺星門建坊

於左右 左曰風化右曰文教 廟後為明倫堂東西列四齋 志

據德依仁游義 堂之東為會饌堂西為儲樂庫又西為倉

堂之後為教授宅左右為訓導宅 四所 由東廡後稍

南達於學門在昔櫺星門及學門俱東向正統九

年僉事李安改南向十四年知府陳勛通判周韶

撤而新之 學士陳循記 天順四年知府趙偉重修 學士劉定

之 成化三年知府李昂繼葺 學士商輅記 弘治十四年



知府杜源建號舍

提學副使 邵寶記

正德十年知府朱鑑

復加修葺

祭酒王瓚記

嘉靖十年遵

詔建

敬一亭

在廟正西刻

御製敬一箴及註釋視聽言動心

五箴又建啓聖祠

在廟西 稍北

嘉靖四十三年知府杜

思修

郡人李用和 記見祀典

以下州縣皆同修學記七學士陳

循記

孟子曰堯舜之智而不徧物急先務也堯舜之仁不徧愛人急親賢也 聖朝之治天下

其智即堯舜之智其仁即堯舜之仁非不徧物而所急者惟先務非不徧愛而所急者惟親賢是以列聖繼作皆以建學育賢為心今 聖天子尤倦倦焉首新太學即親釋奠先師孔子以作興之於上而凡府州縣學之布列於都邑及四方萬國者莫不為之一新於下所謂上有好者下必有甚焉

學校

青州府志卷九

二

者是也青州府儒學之建舊在城西北隅洪武五年朝廷建親藩府第於此知府李仁相城東隅得老氏太虛宮遂移置其學焉殿堂門廡齋厨庫廡之類或因或創僅取具于簡便而已未能一如制閱歲茲又湮者既就頽毀而創者又大不足稱非徒以飭勵師生之教且學於急先務親賢之意實不足以副之賴 聖天子作興之力於是有賢知府陳勛仰體 聖心倡率乃僚於前又得賢通判曰周韶者出而任其責矣捐已俸之入以為有餘之倡節公用之費以為不給之助以貲僦工用工雖勤而人不以為勞以工致材用材雖多而人不以為費於是撤其故陋而一新之有廟有學廟中為大成殿五楹東西為廡二十四楹前為戟門楹如殿數又前為櫺星門楹視戟門五減其二學有明倫堂有存理養正日新時習四齋堂之楹五而齋之楹各三凡廟學之所宜有者無一不備蓋經始於正統十三年冬十月六日而落成於明年夏四月終周覽而詳玩之超然過於其舊遠矣

落成之日教授謝瑤走書京師因太學生馬徵來
求為記徵余友前禮部侍郎兼翰林侍講學士贈
翰林學士禮部尚書性和之冢嗣也學則性和所
由以舉進士第一起家之地余固不能忘情於性
和之父子況有若周侯等能上副急先務親賢之
意如此忍不為之記耶按孔子曰齊一變至於魯
魯一變至於道言在當時然也王者必世而後仁
況千數百年之義重以聖朝崇禮教重信義之
化與唐虞三代同一揆四方萬國變而至於雍熙
泰和之域者無間彼此豈特齊可至於魯而已哉
而況於有周侯出而任其責哉性和之起家於茲
學在周侯未任其責之先已若是則周侯既任其
責之後士由茲學以起家者當何如哉雖然學士
又在所以致且學於此者勉力以副之耳

劉定之記

既富而教理所當然而聖世尤有廟學舊矣在府
廟與學豈非教之地者乎青之有廟學舊矣在府

學校

青州府志卷九

三

城西南隅洪武初創建齊藩始遷於老氏太虛宮
舊址即今所也歷歲滋久敬頤弗支其幸完者亦
卑隘不稱天順戊寅夏四月潞州趙君偉字士奇
者以佐郡於萊政聲大鳴當道薦守茲郡親篆之
初祇謁聖賢登進俊又周觀回覽慨然動念捐俸
資以率羣僚度工程以計財費凡百供應公家所
需親計成算搏縮餘羨積儲公帑不數月用無不
給始事于巳卯春親董章程循序進功易朽腐以
良木代圯缺以堅陶於是殿增其隆廡翼以峙龕
坐帷幕之飾祭奠樂舞之器咸與俱新殿前露臺
展而宏敞繚以石闌泮池改鑿加近遂得先代龜
趺於池內人謂狀龜必可徵兆於他日也文昌
祠僻在殿西北今徙於戟門東作先賢堂於戟門
西以與之竝皆為之塑像木主明倫堂於存理養
正日新時習四齋皆鼎新高廣倍踰昔制藏書會
饌之所夾于堂生徒歲修之室接于齋庫廩庖福
列於內者傑構而對峙櫺星門垣周于外者甍覆
而甃砌以至隨隙地以增號房買民舍以廣學門

一歲之內百堵皆興而青之廟學遂無少遺恨矣
既落成雖密邇屬邑亦莫知其所以成也列邑之
長郡士之尚義者有具搗餉工匠之資爭先而至
多不屑受其誠出於已者亦皆錄其名而不遺
也予之友府學吳司訓自周因沂水令陳鼎氏至
京致書於余歷頌趙守善政如此且謂治郡未及
三年剔蠹刻弊起廢興圮政治一新獨於廟學尤
寓于意必欲完美而後已茲其成功煥然卓冠齊
魯郡之父老皆颺言曰數百年未之有也請為志
石坐于所得龜趺以識作興之盛事也夫為民牧
者致力於政若朝夕可見效而未免淺近矣至於
以教為務似乎迂緩遠邈不可待其成然民興於
行而不勞刑罰憲令之施士就其材而以資齊治
平均之需修於庠序而疆境之內化焉成於韋布
而朝廷之上賴焉其入人豈不深而澤世豈不
遠乎趙守其有見於斯而為之矣昔青之士不與
賓興者五科邇乃有薦名前列者兆足以行於此
見之矣將非但若此而已其未可量也抑豈可不

學校

青州府志卷九

四

勉以終賢守

學士商輅記

青州府學在府治西洪武初即元之太虛宮故

址建逮今百年日就頽毀而文廟尤甚成化丁亥
夏值大雨東廡復壞郡守仁和李君昂下車首崇
學政祇謁之次喟然歎曰學校之設以聖道誨人
期於作興士類轉移風俗顧廟貌弗稱豈澄源端
本之有意乃聚材鳩工亟加修葺朽者更之敬者正
之敗壞者撤而新之瓦皆易以青琉璃梁皆采繪
拱皆藻飾楹與戶牖皆丹漆之楣之榜金之戟門
樞星門稱是大門為之重建麗於二門兩廡初庫
陋崇而廣之肖諸賢之像具奉祭之器露臺馳道
易以方磚甃之文石軒豁明朗瞻者起敬始事於
是歲之秋逾年而後訖工守獻績來京請記其成
以風勵來學惟聖人之道天地之道也天地賦人
以五常之理聖人教人以五常之道而學校者所
以導迪誘掖使人明其理循其道者也聖人往矣
而遺容尚存遺言具在學者進而至廟觀感興起
儼然若見聖人之儀刑退而就學誦詩讀書惕然

如聞聖人之面命體之身心之間驗之踐履之際
一言一行求弗戾於聖人一舉一措期無愧於聖
人夫然後以之孝親敬兄忠君愛民隨所施而皆
當而風俗有不歸於厚者鮮矣噫此朝廷建學
校廟祠先聖之意郡守既祇承之士之遊從於此
者可不知所務哉郡守由甲戌進士歷今官政績
卓異蓋觀於此可以知其為
提學副使邵賢記
治之有本末矣於是乎記
之為政有先後急其所先則政可不勞而舉矣而
政之所當先莫急於學校
崇儒興學為心蓋自太祖高皇帝定鼎之初首
詔天下百神出於歷代所加封者一切罷去獨孔
子封謚宜如歷代所追崇者故於京師首建廟學
親行釋奠而崇祀之制遍及於天下郡邑
皇帝加祀孔子以天子禮樂樂舞八佾邊豆十二
皇上祇承丕緒踐祚之初即幸太學訪儒文良法
美意至矣是以當時守令知為政之所先者莫不
祇順德意惟學校崇飭加之意也青州學舊在府

學校

青州府志卷九

五

治西南南洪武初遷於城東隅今所即太虛宮故址
也歲久殿廡齋日就頽圯弘治丁巳前郡守李
瓚請于巡撫熊公市學旁軍營隙地僦工修葺方
及於齋廡而李遽得調去戊午秋今守杜君下車
祇謁先聖殿庭周視館舍慨然期於修復適以
朝命創建 衡府藩第為費屢百萬鳩工聚材日
不暇給又明年藩第落成王就封國百務具備而
茲學之修建乃經始之維時同知鄒儒通判張壇
員傳推官陳天祥實與贊畫捐俸入以為民倡節
浮冗以資供應因農隙以役民而民不勞隨地產
以取財而財不費吏展其勤工效其巧於是中為
明倫堂後為講堂外為櫺星門左右會饌之居藏
書之庫皆撤其舊而更新之前為大成殿先賢堂
則易圯墁為堅甃代朽腐以良材至於露臺泮池
庖廩涵澗一皆葺而完之丹漆黝堊煥然一新又
為號舍一區凡四十楹傍為十號各置門楔繚以
周垣面陽明敞足為諸生游息之所先是君嘗於
屬工之暇周行學旁見一石柱因欲於廟前通衢

立泮林坊惜缺其一至是於露臺下積土之中復
得一柱令匠者度之長短大小與前柱不失分十
人皆以為君之誠意所召云學既成教授楊和諸
生孟霽輩乞言記之子觀世之守令其優於才者
於聽治之暇往往為臺館玩好之具以誇奇鬪勝
其庸懦不及者惟務因循苟簡擊毘奔趨圖免斥
謫之不暇尚何望其銳意於興學教民者耶若杜
君之為政良可謂知急先務矣雖然為政固有先
後而為學者必有本末青州東有瑯琊西距秦嶽
誠海岱間都會前代若漢公孫弘舉賢良第一晉
左思之賦三都宋王曾三試皆擅魁特其詞藻之
華科目之顯宦業之隆謂非稟於山川之秀不可
也然此抑末耳華其枝葉不若厚其本根自今已
往凡士子生于斯游于斯負奇才穎質將進於道
固當養其性而收其心博於文而約以禮測之古
而證之今明于萬而貫于一使學與道合身於禮
會呼吸動息期與山川同流峙于穹壤之間斯無
負朝廷養士之恩抑豈非郡守興學之意哉余

學校

青州府志卷九

不敏忝司學政因其請故書此以為士子勗且使
後之君子有考焉杜君名源字未清未平昌黎人
少司空東山先生之冢嗣清才遠識登辛丑進士
歷官大理寺正知萊州府以當道薦才堪治繁調
今職蓋嘗新其社稷之位修其捍海之隄調強兵
以滅勦盜豐社倉以備凶歉凡事神治民之事類
能舉之興學校此其

祭酒王瓚記

青為海岱間上

于太虛宮之遺址舊矣繕治不時日入傾圮正德
壬申盧龍朱侯緝熙來知府事顧瞻太息即圖新
而大之然念役繁不可遽也越二年化浹信孚郡
以順治乃節縮浮費庀材鳩工銳以起廢為已任
同知當塗楊君諫通判清苑司君崇道棗陽袁君
傳推官盤陘張君附翺又協贊之特命義官劉鏗
董其事侯時督視焉於是易腐為堅拓隘而敞首
葺文廟及兩廡次葺明倫堂及東西齋內外號次
葺戟門及樞星門門之左為儒門右為文昌祠外
為泮林坊內為賢路門為兩廡木龕為師儒廨舍

為祭器庫為宰牲所為會饌堂至於倉廩庖廡之
室以次畢備前此鄉賢祠密迫戟門今徙松林書
院匪徒恢廣學制亦使鄉邦賢哲各安其位也綱
序詳整絲繪焜煌始事於乙亥之春迄九月終訖
工俟會僚屬以落之維時余姻友工部主事李楷
升之令壽光亦在焉教授任旒訓導畢璽馬賢陳
耿徐璟告升之曰是役也公不病於官私不病於
民仍前規而塞後費侯之有勞于學甚偉宜有記
以示將來爰具顛末遣庠生李時颺持升之書來
橋門謁文記其成余惟孔子設教于洙泗之間一
時弟子多魯產其次莫盛於齊寔接比聞韶之地
而公治長嘗壻于聖門今載之經凡師弟子相為
問答者率皆齊魯之事則坐於斯長於斯游且學
於斯當如面覲其光儀耳聆其警效其與遠悅其
道而北學中國者奚翅徑庭哉且人之生也其性
同其為道亦同前乎千百世而不加豐後乎千百
世而不加嗇吾與聖賢無不同也但聖賢真知允
蹈粹然完全故其言論有以極天人之淵微而其

學校

青州府志卷九

事為有以作智愚賢不肖之楷範吾誦其書論其
世師其人察之以昭昭之明服之以倦倦之勤奮
迅激昂力矯其偏而適乎正殆無不可至者況求
之于鄉邦之所講聞轍跡之所經歷挹流風而徵
其事想餘韻而信其言視之處遐遠而注慕者不
尤為真且切乎賢郡守表礪而風動之可謂乘其
素習之機而導之矣於焉誠有所得而性命道德
充溢於中不誘遷於外物不受變於流俗庶幾乎
洙泗聖賢之學由是形為文章足以增科目世道
之重畀之祿位足以充天下國家之用列聖設
學崇教之德意正在於此諸生尚懋之哉觀侯之
所為固將使李邕范仲淹歐陽脩趙抃諸人不獲
專美於前諸生為青齊知德之士又可使房玄齡
王會張行簡馬愉輩獨擅其盛哉侯名鑑弘治已
未進士初由刑部郎中出守建寧再更郡廉明
有為民父母之意欲因興學之舉斬永侯名於石
其勲秩峻登何可涯也青其始政

學士吳寬記

在青

禹貢為九州之一其地介海岱之間蓋今濟南登萊皆其境也後世建置不常國朝其制始定而州縣所隸凡十有四信為東方大郡比歲天子命建藩國于茲縣役大興供億莫計而守適缺人吏部推擇勝其任者得昌黎杜侯源侯出世家早登甲科為大理屬初出治萊有聲蓋於東方土俗稔知之故其治青裕如也然當多事之餘財力既竭民將不堪使他守居此僅治簿書而已而侯能躬節儉率眾方與學校如平時曰此吾為守者先務也使緩之不有愧於古之良吏乎其僚佐若同知鄒儒通判張廩員辭推官陳天祥皆以為然而力贊之遂擇以弘治己未秋八月興工學建于國朝洪武初屢敕屢修前守之功因舊為多至侯始大其役凡堂殿皆易以巨木堅甃丹碧煥然與舊殊觀下至庖庫之類使亦完美初諸生肄業悉散處于外至是即學之隙地建屋四十間間四為聯使之聚居以便講學及將建雙表于門外求其材特有石柱一歲久臥道旁一日發地俄得其一

學校

青州府志卷九

適稱郡人相傳以為異事工完教授揚和等合諸生孟霽以下感侯之德有足書者以使來請夫有郡寄者雖切於民事終不能免工役之舉然有可已者有不可已者魯人為長府閔子騫曰仍舊貫如之何何必改作此可已者也孟子曰歲十一月徒杠成十二月輿梁成民未病涉也此不可已者也然於不可已之中又有所當急者又孟子所謂設為庠序學校以教之是也蓋民病涉無甚害者苟不教則近於禽獸而禮義不興莫知所以尊君親上之理將至於不可治其害甚矣侯惟知此故當鞅掌無暇之際而首事乎此凡以為教民計耳不然勞其心復勞其民傷其財侯豈為是哉青古齊地嘗辱曹參以治治道貴清靜之言猶在也自是侯高居一堂東望蓋公如將見之當避席以舍侯用公之言民從侯之教青之治行當為天下最也弘治十三年歲次庚申冬十月吉旦

郡人

叅政馮惟訥撰修正樂舞記

見祀

官教授一員從九品訓導四員俱未入流生員廩膳四十

人 增廣四十人 附學無常額吏一人

凡**教事**教授掌之訓導佐之府正提調其事而總

之於督學憲副並以臥碑從事三歲則大比於山

東省為鄉試每歲一人應貢二者並稱正途

松林書院在府治西南宋王文正公讀書處名矮松園

今為名宦鄉賢二祠詳見祀典青州有八景而書院松

濤居其一宦遊者多瞻謁賞憇於此揮灑滿日因

併記之大學士姑蘇吳寬詩宋汴人才無後先東

學校 **青州府志卷九** 九

是擇相多從此州縣勞人豈信然隱隱故疆分海

岱堂堂遺像照山川只今新廟虛名位莫道前修

美獨 **都御史蕭田翁世資詩**宋室名臣駕漢唐數

廟貌雲山聳耿耿聲名日月光先後立朝弘大化

聯翻作郡盛流芳嗟予祠下瞻衡宇含愧臨風酌

一 **都御史廬陵陳鳳梧詩**萬松承露鬱森森精舍

高北斗鄉賢聲價重南金兩祠俎豆方崇德一郡

人文此盍簪珍重山川清淑地諸生他日望為霖

叅政錢塘江批詩慕深學力運籌經世畧仁恩推

廣愛民心巍巍勲業光前後耿耿精忠貫古今從

此春秋祭祭享令人感慨動長吟為謁賢祠去復

來一瞻神像幾徘徊生前貫徹天人學沒後追思

將相才謚號于今昭汗簡勲勞何必寫麟臺英靈

時享清時祭定 **叅議閻中唐瀆詩**青齊宋代十三

有文光燭上台 賢道德文章孰

可肩治郡深恩難因倅立朝大節拯危顛堂堂廟
宇千年祀炳炳功勳萬古傳有志丈夫追往躅管
教聲聞與同然提學僉事莆田楊琅詩廟貌宗先哲魏魏
列縉紳青齊聯出

守黃閣總名臣勲業昭前史儀刑
蕭後人至今千載下遺澤尚如新
僉事四明董琳

詩自諸公今已矣廟貌儼如生此日一瞻拜令人心
自傾遺黎猶仰德汗簡盛垂名躑躅不能去夕

陽鳴僉事仁和張珩詩才孰與儔出守青州兼使
亂入持邦憲共謀猷祠前翠栢四時秀海內清

名萬古留傳與當時姦佞者九原骨朽也含羞
事內江劉時敦詩宋朝三百年天下皆賴諸公輔

月寸心懸古今名重邦家器中外才兼將
相權幸得當時遺像在幾人稽首拜祠前
僉事星

沙袁經詩宋祚方興泰運開羣英隨世起蒿萊民
歌一郡循良政天啓三朝將相才祠廟

學校青肅府志卷九
十
六百五十九

乾坤同久遠勲名雲漢共昭回春
風歇馬來瞻謁敬寓松醪耐一杯
僉事四明呂和

詩光嶽分來士未全真元再合毓英賢一朝將相
青齊守千古功名日月懸廟貌森森羅愛地心

神炯炯照旻天昭勲崇德
今安在北海松林不記年
副使獻陵牛鸞詩重林

西日微蕭城寒角愴孤祠蒸嘗今古惟精舍鍾鼎
乾坤但淚碑幻事驚人擊鼙鼓大觀何日斷機絲

羣公一着憐如意未忍逢人看奕棋倍傷今古若
飛彈誰把金魚換釣竿千樹風雲猶會合百年人

物已凋殘芳春聊共花頰破遠嶂虛移月
影寒重憶舊溪宜小艇惟來酷似子陵灘
知府廬

龍朱鑑詩松栢蒼蒼入望中巋然廟祀宋諸公乾
坤無復經綸手今古空存竹帛功洋水

潺湲流不返勞峯苦蕘峙無窮特
來祠下瞻依久獨鶴孤雲靜晚風
胡續宗馮裕翟

澄甫黃卿同年讌集詩胡續宗松林月出海雲紅
座下雲門照雪宮銀燭金

胡續宗松林月出海雲紅
座下雲門照雪宮銀燭金

樽今夕共杏花春雨昔年同三龍矯矯惟青社一
鳳翩翩自碧空千首新詩各乘興黃鍾逸響思風
風馬浴松林蒼翠落霞紅共坐空堂鐵笛風苦憶
曲江州年別故燒高燭一尊同乾坤又見龍門子
蓬華深慙鶴髮翁清夜沉沉明月上來朝悵望海
天鴻劉涿甫乘風縹緲自崆峒北海冬初晏雪宮
杏苑孤雲憐我老松林明月許誰同夜談尊俎安
齊魯曉見旛旌動華嵩綺席雕觴共流轉不知離
合本西東黃胤先朝首榜群英少北海清樽四士
同劇語騷玄移鶴月盡麾絲竹度松風浮澌凝溜
融融合炬焯爐燠裊裊重知是
明朝經畧急遲迴酬酢興無窮

范公書院

在頽神鎮秋

宋范文正公微時讀書處

白龍洞書院

在公泉峪郡人叅政曹凱讀書處

頽神鎮舊學宋元設山長以主守之今殿廡俱存

學校

青州府志卷九

十一

嘉靖間分署通判羅賢重修每歲春秋率在鎮諸
生行釋菜禮

益都儒學

舊在城南洪武十年知縣黃正德遷建東

北中為先師廟東西列兩廡前為廟門門之東
為敬一亭外為櫺星門門之右為學門由西廡後
達明倫堂旁列二齋博文約禮堂之後為啓聖祠祠東
南為教諭宅祠左右為二訓導宅而號舍居東廡
之後宣德間知縣賈純正統間知府陳勛天順間
知縣董淵成化間知府李昂知縣周信弘治間知

縣金祿正德間知府朱鑑相繼修輯中允楊鼎記

畧曰成化歲己丑適方岳郡邑述職之期惟時益

生之益都廟學在郡治良隅其前廟後學兩廡從

大成殿於東西佇戟櫺星二門在殿之南四配十

哲從宣聖于殿上孔門餘弟子暨歷代名賢從于

兩廡博文約禮二齋居明倫堂之左右廟之牲房

厨庫更衣之室學之庖廩退居肄業之所各有次

第蓋通天下之制多如此益都廟學備是制而不

遺惟歷歲既久傾頽崩圯腐朽剥落之極去歲春

暮僉按察事周公董督儒校詣茲嘆曰甚匪所以

妥神而育材當輯釐惟謹守青州李君昂楚然曰

責在守令遂圖經營之死工掄材三越月乃是歲

之秋已肇厥工生領命董厥事告成之日欲丐一

記以述重修之由恐弗得躬詣獲罪茲先容達其

意侯去今年果以八月告成書來備書所以傾者

正之圯者治之腐者易而堅之剥落者補而繪飾

學校

青州府志卷九

三

之像龕舊無也增置之廡基舊低不稱也築崇之

又且張大其規模鮮明其黝聖舟漆秩然煥然過

者無不聳觀而起敬礮石以俟敢請余曰自古帝

王之治天下未嘗不建學校所以明人倫先聖先師

社學

一在府城南門內一在北關西街一在金嶺鎮

瞻仰起敬俾為師知人倫所以教為弟子知人倫

所以學人倫既明人人各安其分天下豈有不治

者哉洪惟聖朝惟六經是法惟孔子之道是遵

自國都薄海內外莫不建學立廟先其首務超越

前代故其人倫風化歷千萬年而無弊也爾益都

廟學之修得周公知首務而命之李君知首務而

承之周侯知首務而理幹之為諸生者若不知所

以明六經之理實踐其人倫入孝出弟侯它日忠

君愛民以至臨大節而不可奪不惟有辜國家建

設之意而三君子之用心亦有所負也豈可乎或

官教諭一員**訓導**二員**生員廩膳**二十人增廣二

十人附學無定額吏一諸邑同

凡**教事教諭**掌之**訓導**佐之縣令職提調焉間歲以一人應貢餘並同府學

臨淄儒學舊在縣治東南**元**至元間達魯花赤善奴建元

末兵毀**國朝**洪武二年知縣歐陽銘重建弘治

間知縣王世臣周致相繼修嘉靖四十一年知縣

龍垓遷東北中為先師廟東西列兩廡前為廟

門又前為櫺星門門之西為學門廟西北為明倫堂

學校

青州府志卷九

三

東西列二齋進德修業聖殿東北為啓聖祠為敬一亭東

為射圃西為教諭訓導宅凡三所

社學一在儒學西北

博興儒學在縣治東南創建無考宋末兵毀元貞元間

知州欒汝翼重建時縣為州至元間監州火赤爾置東

西序元末兵毀**國朝**洪武初知縣王暹復建中

為先師廟東西列兩廡前為廟門為櫺星門門

之旁為學門中為明倫堂旁列二齋正心誠意而會膳

堂學倉射圃分列於左右學之西為教諭宅東為

訓導宅所永樂間知縣郭務本天順間同知劉隆

成化間知縣陳文偉姚聰弘治間通判黃裳知縣

何鉞正德間知縣周讓張集相繼增飾元學士陳

儼記曰我皇上踐祚之元年改號元貞制誥首以

有司曉然知上意所向莫不踴勉就事以為後修

故所在絃誦相聞越明年博興州廟學成走書京

師且自疏其儼未告儼曰州曩為邑即古博昌邑

舊有廟中燬於兵丙戌改陞今名逮至前太守樂

汝翼始茲作郡迺治之巽隅爽塏之地創大殿

六楹像設嚴備歷歲茲又圯壞弗支神不以宇過

者與唱至元乙未監州火爾赤寔來首謁先聖祠

頽然在垢蒙埃蝕中輒以修復自任謂知州周祐

州判盧澍曰廟廢不治咎將孰執遂相與議凡廟

之儼者新之缺者完之即還舊觀其如兩廡缺望

學校

青州府志卷九

西

何如西序十四楹又自門徂殿若初未嘗壞而且加

隆焉僅及訖工祐以終秩去而萬吟答來代遂嗣

其前緒而益彈意焉迺像七十二子其中誦肄有

堂休宿有舍又廣七楹就翼翼截然堅整諸生

鼓篋來游者日濟濟也是宮也合數政之力闕三

紀之父始績於成願有述以識茲役竊謂齊魯禮

義國也始尚父治齊舉賢而上功伯禽治魯尊尊

而親親惟其所尚不同故其歸不能無少異雖然

天理民彝初無彼此之間顧新舊善俗之教何如

耳三代盛時器國術達于黨與家皆有學學必以

六德六行六藝考其成德建材之效非若秦漢以

來記誦章句之末習也我元文治休明遠配三代

凡近世科級取士之法一不復用乃取鄉舉里選

之遺意如明詔之所云者故後生學子往往致力

於古人為己之學矧爽鳩氏之故墟去聖人之居

若是之近而洙泗之敘皆出於疇昔講聞之素宜

其聲名文物非他郡可比擬若郡長吏應文具相

授受不知所以導之之方學宮積日月為階不知所以教之之法弟子員以復其身為幸不知所以學之之事上以負菁莪樂育之恩下以重縫掖闕

國朝少卿章丘李開先記畧

曰博興自有縣

者勵來者壞於嘉靖二十三年雷雨再壞於二十五年雹水官怠於屢遷不及修邑故於歲歉不能修以致正殿兩廡草薶其上塵積其下椽桷內朽甃破旁傾不蔽風雨而蝸牛篆其外露見星月而碩鼠穴其中此不惟儒者悲涼而行道亦為之嘆惜學生相疥等觸目激衷相與謀曰釋氏異端之徒吾儒之所首斥而亟攻者也乃能苦心受戒募衆庀材成盛緣而起雄構大新其殿宇吾輩反不彼若可耻孰甚焉遂請之長教師則捐俸生則捐廩未為廩生者又各捐金猶恐不足以集事又告之鄉士夫及邑之尚義者各捐金有差致仕趙祿暨鄉耆孫學等十人則又其尤者也工始於嘉靖三十六年學校

青州府志卷九

五

二月至四月工過半而邑侯華昌劉廷琮適至謁廟之初面其役即慨然於懷曰此吾有司之責也遂亦捐俸而趨其成發部掃塵易朽正傾補上漏而塞旁穿無復蝸鼠之害高廣雖仍乎舊而丹采則煥然一新矣

高苑儒學

在縣治東

宋至和三年李允中建元末圯廢

國朝洪武初知縣孫忠創建中為先師廟東西

列兩廡前為廟門門之東為啓聖祠旁為名宦鄉

賢祠外為泮池跨以石橋又前為櫺星門門之東

為學門又東為號舍為敬一亭由東廡旁達廟後

為明倫堂東西列二齋

時習日新

齋之南為祭器庫為

養賢倉堂之後為教諭宅東西為訓導宅凡二射

圃在書院西成化間主簿何友能知縣彭璉弘治間知

縣徐海嘉靖間知縣吳鯨相繼修

崇正書院在縣治東南嘉靖二十九年知縣葛臣建

社學一在書院北一靈異堂一西關俱知縣葛臣

修

樂安儒學在縣治東南宋崇寧元年縣令黃鐸建靖康

間兵毀金大定間益都府判王受雄重建金末再

毀元至元間縣尹棊泰復建國朝洪武中知縣

學校 青州府志卷九 六

謝中重修中為先師廟東西列兩廡前為廟門

又東為啓聖祠前為櫺星門為泮池門之右為學

門由西廡後達明倫堂左右列二齋進德修業又前為

名宦鄉賢祠為號舍為宰牲所堂後為敬一亭亭

後為教諭宅旁為二訓導宅饌堂神厨各一今天廢

順六年知縣狄惠成化六年知縣馬亮十五年知

縣沈清正德十年知縣張崇德嘉靖三年知縣王

傅二十四年知縣王本固相繼修宋教授黃政記

畧曰崇寧改元江南黃侯鐸為千乘宰始至不踰旬時撤政一新乃曰他無足議惟是所以崇奉

先聖表儀士民者殊以缺畧非此治所宜於是論其邑人曰千乘為齊名區前世文人如兒寬歐陽生輩為不少以今視古疑若歎然豈天之生材厚於古而薄於今哉賦形於天者有性斯有材有材斯有功惟性明故其材周其材周故其功立其功立故其俗成乃今廢學校而責人材風俗之逮於昔所謂不琢玉而求文采者也竊為士大夫不取况州縣建學漸換鄉舉里選之法此神考所留神規畫將行而未及者諸君寧無意乎邑長不才請以身先邑人不謀而應之閱月而告成廣殿而崇堂周以兩廡兢兢翼翼丹雘煥然邑之秀民游詠食息執經質疑者常數十人是年秋預有司薦者乃倍于昔當時方喜侯之有為爭相稱重未幾果有詔縣皆置學自縣升之州自州貢之朝諸邑皆紛紛應詔朝夕營輯獨千乘怡然素具無復可為意如吾侯者可謂智矣初學成屢移書請記其事未暇及也今復促之記安可辭因告之曰夫制天下之治者存乎法揆天下之法者存乎道明良相

學校

青州府志卷九

七

遇於廟堂運精神心術之微舉而措之天下之民以為事業而推行之吏猶或不能明究厥旨而宣成之况逆知其理哉侯方治簿書獄訟於王畿千里之外而其所以行及於廟堂之議若合符節謂之不智可乎異時殊方下邑學校之間人材益富鄉黨之間風俗益醇野無遺賢朝無佞位雖聖明化養之功而侯於千乘實有功焉侯知經能文尤長於吏事治劇嘗以課最聞

張孔孫記畧

曰孔子之盛自生民以來未有如孔子者其賢於堯舜遠矣今上嗣登寶

元大學士

位告詔天下孔子之道垂憲萬世有國有家者所當承奉廟學損壞隨即修完作養後進嚴加訓誨講習道藝務在成材若德行文學高出時輩者有司保舉以簡選用欽奉如此邇者上都大都以至隨路府州縣邑大小職官莫不營新文廟承上意也益都樂安縣在西漢為千乘金改曰樂安宋崇寧間尹黃鐸創建學廟未幾迺詔州縣皆置學屬千乘已成無復可為當時嘉黃鐸之有智值兵變

焚毀殆盡金大定二十九年益都府判黃受雄捐
已俸為士倡大族張汝礪簿王乘協力興修既成
天兵南下又為灰燼至元十三年尹綦泰遂相縣
之東南爽塏之地創起大殿繼有監縣凡魯芑同
修兩廡講堂學舍庖廡樓門凡三十楹功既就緒
但聖像并十哲粧塑未完泰得代事亦中輟尹王
分謀於達魯花赤海迷簿張吉典史趙泰曰前官
功虧一簣不卒其役咎將誰歸僉曰宜然死徒藏
事規畫有素公務日畢親詣役所莫敢懈惰不日
告成正殿兩廡塗以丹碧夫子南向顏孟十哲侍
坐又塑七十二子像於兩廡創作祭器百二十餘
件春秋釋菜朔望行禮奠拜升降謹嚴有加居人
過客共贊其美非綦尹創之於前王尹述之於後
何以致此大德九年八月分遣儒生李光祖致書
東平謁文請記 **國朝大學士劉珣記** 曰古之教者
故喜為之書 **國朝大學士劉珣記** 曰古之教者
校殷曰序周曰庠學則三代共之當是時 朝廷
有明良之歌卿士有濟濟之賢比屋有可封之俗

學校

青州府志卷九

六

皆自學校始也三代不可尚矣後世教學不明陵
夷於戰國燔於秦火迄於漢唐宋之季中間英君
誼辟非不愛好儒術欲希三代之治然卒不能如
古之躬行於上言行政事未可師法故治亦不古
若有由矣逮我 太祖高皇帝肇造區夏政教一
新列聖相承稽古右文本諸躬行心得之餘發諸
言行政事之懿建學以儲天下之賢才祀先聖以
敦報本之實意設師儒以講明三王五帝治天
下之大法與夫孔曾顏孟立言垂訓之微詞與旨
以是修身以是齊家以是治國平天下以承斯道
不絕之緒以壽國家之元氣命脉此我朝列聖建
學立師之深意崇德報功之盛心取賢育士之良
法也是以斯道大明人材輩出治教隆於上風俗
美於下可與三代匹休媲美而陋漢唐宋於下風
矣嗚呼盛哉山東樂安縣古青齊之域漢儒若兒
寬輩亦皆產於茲邦號稱名宦其廟學創始於宋
之崇寧間自時厥後歷金歷元興廢不一至 國
朝洪武初廬陵謝中爰尹是邑仍舊貫而修輯之

載諸記可考也至今又百餘年矣歷歲茲久風雨
侵尋殿廡日就凋敝且舊基秋隘弗稱聖賢遺像
丹青漫滅諸賢位次亦錯綜無序殊無以壯學校
之美觀昭吾道之文明也肆成化己亥吳興沈君
清以名進士來知縣事視篆之始奮然以興學為
己任謀欲廣而新之語諸寮案多方措備既久所
儲寔廣復捐俸資以為首倡時邑之士夫亦慨然
樂助乃擇元辰掄材鳩工給餉募民趨事者唯恐
或後經始於明年庚子九月落成於明年辛丑三
月舊殿三楹今增而為五舊廡十二楹今增而為
十八像偶漫滅者飾之位次錯綜者正之一時殿
廡宏敞肖像尊嚴從祀諸賢非復昔之無次君之
仰副聖朝崇儒重道之意可謂恪而勤矣是舉
也財不仰於公力不病於民時未週歲而工即告
成非其材識之優規畫之善未必至此學諭鍾蘊
暨諸同寅恐其久而或泯於是遣諸生張憲等來
京求余記之蓋將歸而勒諸貞珉以示永久余故
不拒來請特為記其事俾持歸勒石以彰厥功

學校

青甯府志卷九

九

明誠書院

在縣西一里 邑人陳鵬建

社學

一在 南街

壽光儒學

在縣 創建無考 宋末兵毀 元至元十年

縣尹陳惟良重建中為 先師廟東西列兩廡前

為廟門門之外為泮池跨以石橋前為櫺星門門

之右為學門由西廡後達明倫堂東西列二齋進

修其會饌堂講堂倉宰牲房神厨神庫號舍俱列

於堂之左右後為教諭宅為訓導宅

凡二

國朝景

泰四年知縣李儀成化十六年知縣鄭珏修元教

諭常吉昌記畧

曰學校之設其來尚矣壽光昔有

學舍在郭內城東北之隙中罹兵革至元十年縣尹陳惟良憫聖迹之久湮憂儒風之不振乃舉長吏呂瑜趙震相與籌畫因於故址開闢經營之不數月間殿宇巍然廊廡秩若頗有可觀大德元年宣差阿合馬等增置講堂齋舍甫成而去邑其後歲月悠久殿宇殘缺塔砌未完東西之廡曠七十二子之像大德壬寅達魯花赤與哥撒里來治是邑觀設教之所先務於是與縣尹李真王簿李英等慨然而定重修之議不費民財相與協力不百日而成可謂大備輪奐一新其間宣差公與哥撒里觀董其役規畫用力功效居多比之曩時又加美矣遂使棲神有所講誦有地督集生徒循循有序此不負聖廟興學設官之意也異日陶成器質豈易量哉

社學

一在縣治東南知縣馬亮建

學校

青肅府志卷九

辛

昌樂儒學

在縣治東北創建無考元至元中省縣入北海學遂廢元統間北海尹楊仲徽復建元末兵毀

國朝洪武三年密州同知李益改建西門內即今

所正統四年知縣李永重修中為先師廟夾以

神器制書二庫東西列兩廡前為廟門門之旁為

名宦賢鄉二祠外為泮池又前為櫺星門廟後為

明倫堂堂之東為啓聖祠西為齋宿所神厨前列

東西二齋進德修業兩齋後為號舍堂之後為敬一亭

為教諭訓導宅凡三前為儀門為學門景泰三年

所

知縣孫輝成化二年知縣范威弘治間知縣方天

然金茂正德間知縣謝譽馬瀾嘉靖二年知縣周

原五年知縣李錚各增修**國朝正事李舜臣記**昌曰

樂名邑也吾同年友燕山李子自朝城調是惠而斷嚴而明故政成而民用裕李子謂猶未也而思有以風之學是以修昌樂有學聞自元季中間或修或徙語具載縣志中李子之始至也學適敝甚李子於是慨然嘆曰學不治將圯吾為令而視學且圯其何以觀且年足而民和為之可矣於是計祭之羨者請於諸上官而率作焉蓋嘉靖丙戌歲也明年丁亥功成凡為櫺星門為戟門戟門之外分左右為鄉賢名宦祠其內為大成殿為東西廡殿後為明倫堂為東西齋齋後各為書舍堂後為學官舍三官舍之西為射圃是役也雖因舊為新而實宏隘壯朴斯豈徒然乎詩曰豈弟君子遐不作人李子之用心深遠矣士宜有思而為善者哉吾聞教立則軌存軌存則民恪教廢則軌越軌越則民荒恪斯修修斯一荒則僭可為也亂可為也是故昔先王之教其民也鄉皆有學則必有教故習正而志崇故雖下國遠方猶彬彬乎德義之風矣後世時異勢殊不能聯鄉井之民而教之而但聚其秀者之於官也所恃以興化致治者風俗焉耳故一人作之百人從之無難也近者作之遠者從之無難也故士者民之先也學校者民之表極也孟子曰仁之實事親是也義之實從兄是也貴乎知者能精乎此者也貴乎行者能致乎此者也故忠可移於君而惠可流于物夫是謂之才民生而有情譬則水也禮者猶防之也樂者猶導之也禮闕則漬學闕則逆故禮樂者有本有文有器有數而今之士且或未知所謂文與器與數是故三年之喪四時之祭聖人所以明死生之義隆痛慕之情者也而多或未之能行嗚呼不能于此而優于功立于政達之邦國天下者寡矣蓋基廣者立

學校

青州府志卷九

三

隆而德厚者才茂故君子務本而已吾又竊嘗聞之踈閭寡識未有不迷其趨者也探玄務遠未有不役其志者也其榮嗜逸未有不移其情者也泥常染故未有不隳其則者也懋不懋存乎人爾李

子諱諱字伯和

嘉靖癸未進士

社學

一在文廟西

臨朐儒學舊在縣治西南宋紹聖五年縣令李敬遷縣治

西宋末兵燬元中統間縣尹陳仲祥至治間李善

卿修

國朝洪武二十年知縣李瑀復加增拓中

為先師廟東西列兩廡又東為啓聖祠前為廟

門夾以名宦鄉賢二祠外為泮池又前為櫺星門

學校

青州府志卷九

三

門之西為學門由學門入儀門由儀門入明倫堂

東西列二齋時習日新前為敬一亭堂之後為希聖堂

東西列號舍而教諭訓導宅居西序之後射圃在

學門之前正統四年典史鍾輿景泰六年知縣陳

安天順間知縣卜釗成化七年知縣劉環相繼修

嘉靖九年大圮知縣褚寶增修二十八年知縣王

家士繼修宋縣尉黃顯記

曰臨朐縣北引長河南控三鎮山川之形疊秀

而挺奇乃三齋襟帶之地也舊有廟學跨城西南隅殿宇卑陋不足以尊先聖齋舍隘狹不足以居生徒絃誦之聲寂然無聞有志者顧視嘆息久矣邑宰李公敬深沉多學蒞事明敏下車以來恩威

並行民愛而畏爭訟者寡屢見獄空為政多暇乃
語邑人曰縣令之職以興學校育人材為本今縣
巽隅有隙地可遷學廟就之廢幾華前卑陋狹隘
之弊始為梁日度工翦伐荆棘增卑為高填坎為
平棟梁椽栊其材因於舊規模洪度其制取於新
旬日之間人不告勞而功已成殿堂齋舍以至庖
厨靡所不備廢廡翼舉閉門洞開清虛高明左右
殖殖入門升堂者心廣而氣移矣未幾而談經論
史者輻輳鱗集是知人有善性美才在為上者長
育而作成之嗚呼崑山之璞雕琢則為圭璋棄擲
則同瓦礫貴之賤之顧在人如何耳邑人既善公
之為而求記於余余竊謂素王之道乃出類拔萃
者也彌高彌堅學之者莫知其極在前在後瞻之
者莫測其變浩乎如江漢之濯赫乎如秋陽之暴
百王師其道萬世被其澤今學有廟且像夫子而
尊事之俾學者見其像而思其人讀其書而行其
道小則修身慎行大則輔世長民乃公之盛德是
不可無傳也

員外郎周思兼記

學校

青肅府志卷九

三

畧

曰戊申之歲王子至自光山春王二月初有事

於孔氏之廟鳩材木平板幹具器用度時日既
定以授匠氏修廟及左右廡刻其楹而礮之修明
倫堂櫺星門啓聖鄉賢名宦祠易朽蠹恢制度視
昔加壯初作講堂舊無講堂也初作饌堂作宰牲
房備賓祭也初作庫房司出入也作社學訓民之
子弟可為士者先舊者後新者以次舉禮也於是
臨胸多盜依治為亂臨胸人計之弗克或謂王子
曰盜之弗輯子之咎也子盍詰盜王子曰不可詰
也政德不修於是盜已則無政而以討人何以
能克夫政莫先於教教之不明民不知義惟利之
競盜所由生也吾文教是務於是不給而又暇詰
盜故王子於是役也甚力君子謂王子能為政政
不務猛而務文教詩曰爾之教矣民胥效矣刑善
政也王子教行而民聽之民刑于善何患于盜盜
將弭矣及成盜止

李公書院

在縣西南

唐

李靖讀書處

一云靖從太宗征

間左於此閱司馬兵法未詳

胸山書院 在縣南 嘉靖十一年知縣褚寶建列養正

景賢二齋東西塾及書齋二十六年知縣王家士

修國朝提學副使四明陸欽記 曰臨胸當青齊萬

俗麤獷而難馴或曰僻近陋朴近野獷近悍若之
何化之陸子曰古道之不復其諸性真之亡乎今
天下士習華而飾也幾於偽矣不患其失之僻而
陋也巧而競也幾於靡矣不患其失之麤而獷者
儒也幾於化基焉朴野者醇篤之行與焉麤獷者
敦龐之守出焉斯天地之正氣而人之成之豈繫乎
其地哉嘉靖壬辰余視學山東按青州集諸屬邑
士試之則胸之多士少銳而穎異視諸邑為獨盛
余始異之曰孰謂胸無士哉孰謂胸無士哉既乃

學校

青州府志卷九

西

進諸士子詢焉僉曰胸入國朝來自馬澹軒學
士以文章行誼鳴一時厥後寂寥無聞費校圯而
不修士風頹而不振至有數十年不登薦書者我
胸令褚君寶來興學起廢治先教化又以儲材在
學校而蒙養必先小學乃依古社塾遺意創書院
于邑城中前為養正堂三楹後為景賢堂五楹翼
以書舍十六楹環以左右塾入楹於是選民間之
秀彥立塾師以教之朝鍾暮鼓聚散惟時辨方書
正句讀吟詩習禮考論名物器數居處慎其與長
幼明其節勤惰示其懲勸令雖日事案牘不暇給
稍間輒與諸生督課時校藝而進之右塾升之左
塾升之堂升之堂者以需進于庠校於是邑之士
咸觀感而嚮化余作而嘆曰褚君豈不誠賢令哉
達教本矣越明年癸巳巡按御史蒞方公按胸
重為嘉獎遂扁其門曰胸山書院云嗟乎今書院
之設通山左然未聞以小學為教者易之蒙曰山
下出泉蒙君子以果行育德言導之漸也記曰禁
于未發之謂豫言辨之微也導之漸則本立辨之

微則幾審所以遏淫邪防逸欲而正聖功成自茲始余故謂諸君之達教本也且夫天地之氣淳而未漓則積之必厚而發之也弘蓄而未洩則觸之必暢而出之也奇譬之荒江大澤之濱斥鹵不稼開闢而播種之種稜芄然生矣童山濯濯一旦培才之盛衰豈異是哉夫胸固山川之聚也其秀靈清淑磅礴鬱積歷數十年而未有所通于入者尚翁然疑也今茲多士浸淫道化刻勵磨淬而日趨于仁義禮樂者又勃然奮也得無所謂厚而未漓蓄而未洩者乎諸士子勗哉母負良有司之意勿養而壯立以行敦龐之化以樹篤實之行以存剛毅之守胸之俊髦將彬彬然輩出發之弘而出之奇矣諸士子勗哉

社學 一在五井集 知縣王家士因故址建

安丘儒學 在縣 元至元間建大德間縣尹楊加閻

學校 青島府志卷九 五

修中為 先師廟左右列兩廡前為廟門為名宦

鄉賢祠又東為啓聖祠前為櫺星門旁為學門又

進為儀門中為明倫堂左右列二齋博文禮堂之後

為敬一亭又後為教諭宅左右為二訓導宅為神

庫神厨宰牲房學倉列於東北今廢 **國朝**洪武初

縣丞鄭源澤景泰間教諭許倫成化間知縣謝績

陳文偉副使張珩嘉靖十四年知縣宋儒三十六

年知縣邵大章各增修 **國朝**大學士劉翊記曰漢

渠丘地置安丘歷代因之學舊在縣東至正初守土者創置于茲逮我 太祖高皇帝初定天下即

建國于京師尋詔天下郡邑皆立學校而此廟學之重建實洪武也歷歲茲久其中有一之廢墜亦有不一之修舉修廢作輟之相尋其勢不能不然也迺天順七年夏中山謝君縝來尹是邑始至即謂先聖于廟退覽學舍大懼無以稱朝廷建學育才之意懼未遑及也既一年政治建修民用昏悅乃曰斯為政之首務弗可期緩爰謀撤而新之即出俸貲以為倡經營籌畫可贖者斯贖可節縮者斯節縮靡不克用木伐于林石取于山山積滄雲梓人效藝衆力皆作首新大成毀于學宮之前先師及配哲塑像復給為兩廡從祀先聖及木主後設為櫺星戟門烹調有厨器皿有庫次而講學有堂肄業有齋坐息有居造饌儲粟各有其所經始于天順八年春三月訖工于成化四年夏四月增廣舊規輝煌新制蓋前此未之有也君獻績來京請言以記其事嗚呼孔子之道蟠乎覆載而不見其際貫乎古今而不見其極所以垂憲萬世者此道也所以立人極祖紹堯舜者此道也然而

學校

青州府志卷九

三

有體有用仁義之充于己其體也自倫誼之大至於應事接物之常施之不失其正者其用也求經傳之微言即其已然者而盡心焉則學斯成矣發而為文章廓而為事業蓋無所不可古之君子莫不皆然顧今之學者何獨不然哉視法于廟以興起之藏修于學以成就之此歷代及我朝處之兼盡細大不遺處而韞之出而行之真足以興道致治斯不負朝廷立學之盛心與賢令興造之力也若徒加意于文詞而不本於體以達於用自謂無忝者君子弗貴焉夫縣令六事學校為首君能悉心于安立學校則其他政事舉可推而知之也是用筆之俾歸于石

公冶長書院

在縣西南八十里

成化八年知縣謝縝修

社學

一在東南坊一在西南坊一在東北坊一在東南廂一在西南廂一在東北廂

諸城儒學

在縣治東南

金貞元

間樞密副張暉建正隆

初修元至元至正間繼修

國朝

洪武元年知縣

金汝穆復為修正中為先師廟東西列兩廡前

為廟門外為泮池跨以石橋又前為櫺星門廟後

為明倫堂東西列二齋進德修業堂之後為敬一亭亭

之後為教諭宅左右為訓導宅由東廡指南為學

門門內稍東為宰牲所神厨又進為啓聖祠祠之

後為名宦鄉賢二祠弘治間知縣孫誠嘉靖間知

縣鄭坤各增修**金高密令王堪記**

曰仰惟國家經文緯武鋪張治

學校

青州府志卷九

毛

具粵自祖宗混一綿區簫勺群靈雖以武功定天

下而必以文治之開闢設科網羅賢俊巖穴為之

一空著在令典官師所瞻先師廟皆有禁以先

聖五十大孫襲封衍聖公蓋所以敦教化之原厚

風俗之本也肆我王上聖學高妙得於天縱右文

崇道度越千古爰頒儀制凡職官到任並先謁奠

先聖廟庭命襲封給七品俸廩追崇嚴奉德至渥

也尚軫宸慮以士蔽俗學之久拘學苟且乃罷黜

百家詔以五經三史訓迪學者限為三歲之制士

生斯時以聖王為師獲見天地之純全識經國之

大體是誠萬一之幸矣先是貞元中省曹承上德

意念郡國先聖廟像有敝毀者委部使者完繕而

四方之遠郡將或不知儒術方以簿書期會為功

鉤鉅聽察為明眎文教為迂緩而不切故雖有良

法美意舉而行之又存乎其入焉東武鄉技宣聖

廟素稱麗僱兵火燬礫青矜散而之城闕鬻宇

毀圯掃地無餘惟殿僅存鞠為兵居撫定之初今

副樞景國張公暉擁節是邦始鼎新之堂齋廊廡

賓館庖次周施旁達無不嚴飾然一時重役者務
急近自公去未兩周星而寒暑隨敝歲在甲戌復
次繕修獨殿宇以工倍費廣猶憚為之支傾補罅
第第相承又三禩當正隆之明年節副張公天宇
始事奠謁裴回慨然傷之曰禮義所自出在學校
學校所依歸在聖師今先哲之宮敝甚若此何以
仰副聖天子尊崇之意耶乃援舉貞元故事請于
計司得錢四十萬且捐已俸以倡僚屬而鄉士大
夫樂助其成又得錢四十萬委諸城令畢少曾督
視於是易腐以完易敝以新易撓折以堅好易黜
昧以絢采危瓦易以縹緞軌易以石甃梁華棟中
函外騫增飾像設日角月準與顏孟十哲並按圖
孔肖冠章合度座榻儲胥金碧璀璨舊繪從祀于
廊壁風雨漫剝不可以久是役也乃易以縑素離
為九十八軸標故題識以永奉祀翼翼鱗鱗如在
闕里而侍杏壇也凡木以章計甃石瓦箔以枚計
役匠以工計亡慮萬八千有奇費錢一百五十萬
有奇直學孫華以家貲悉補其全經始于三年二

學校

青島府志卷九

天

月丙申訖工於八月己丑於其成大合樂以落之
邦人遠近雜遝瞻仰雖庸夫愚民皆回嚮方之心
遺子弟捨己業弗嗣來榮衣冠之游衍歟盛哉學
正董知默學錄臧腴謁記於堪堪竊考祭義耕必
祭先農桑必祭先蠶食必祭先飯以至孟月皆祭
其先凡以報本不忘始也矧學校之大可不知所
本乎古者凡立學必先釋奠於先聖先師禮也唐
貞觀中以孔子為先聖顏子為先師詔州縣立孔
子廟以左丘明等二十有二人皆配享開元中詔
十哲為坐像圖七十子及二十二賢於廊封先聖
以王爵配享從祀爵有差宋祥符中又加至聖之
號列戟錫樂祭曰中祀用王者禮巍然端座自天
子而下北面拜跪豈非萬世之師道大德隆歷代
尊崇禮宜然歟昔魯僖當春秋搶攘之時獨能修
泮宮詩人合天下之公論而形容於頌與商周匹
休是知學校人才之所成而歌頌之攸歸也陸令
之為衡山一縣宰耳以能修廟學杜子美作詩以
嘉之鄴侯之為處州一列郡耳亦以能修廟學韓

退之作歌以記之二子治績於汗青無忒特以脩
崇廟學至今皖皖在人耳目以子美退之歌詩之
傳也公自下車它未遑擬首以學校為意其為政
可謂知所本末先後矣堪誠固陋姑採邦人公願
輒先諸儒作為頌詩以播厥美其詞曰嗟嗟玄聖
萬聖之師薄海郡縣春秋祀之事有廢興宣惟其
時密之廟學閱時不治景公之來補敝起墜周施
旁達纖悉具備自公之去曾未二紀惟是殿宇寒
暑隨圯第第相承莫克料理誰其修之繼有張公
公初兵止有覺其容曰茲政體敢有不恭請于計
司鳩材慮役棟宇崢嶸渙然金碧翼翼巍巍可以
受祀乃肖貌像乃繪衣章以瞻以儀德音不忘士
氣以振濟濟洋洋三公崇成前後施設密
人歌之周間推蓋我掇其詞以誌來哲

滄浪書院

在縣西成化十一年知縣閻昂建

東武書院

在縣南嘉靖二十七年知縣祝天保建中

學校

青州府志卷九

五

為講堂東西有序塾書舍

社學

一東市一西市
入鄉各一今廢

家陰儒學

在縣西元延祐間縣尹武秀建中為先

師廟東西列兩廡前為廟門夾以名宦鄉賢祠又
前為神厨神庫宰牲所又前為櫺星門門之旁為
學門又進為儀門中為明倫堂東西列二齋治心
養性
堂之後為敬一亭為教諭訓導宅凡二而啓聖祠
文會堂饌堂饌厨觀心亭學倉各列於堂之左右
國朝洪武初知縣柳玉正統間知縣王漢翔天順

間知縣魏本主簿蘇真正德間知縣梁緒嘉靖八年知縣王銳二十九年知縣丁嘉賜各增修

北麓書院在縣東北三十里**元**張子塾隱居教授於此

東山書院在縣東八里**國朝**推官李燦然讀書處

中山書院在縣中六十里**國朝**副使公躋奎讀書處

社學一東廂一西廂舊四十七社各一今廢

莒州儒學在州治東**元**至元間知州孔源建至正間孔

文古修元末傾圮**國朝**洪武元年知州趙麟復

創建中為先師廟東西列兩廡前為廟門東西

學校青肅府志卷九 三

列神厨神庫宰牲所外為泮池跨以石橋又前為

櫺星門門之西為學門又進為儀門由儀門入中

為明倫堂東西列三齋東曰博文日新西曰約禮西為會饌堂

東南為啓聖祠祠後為名宦鄉賢祠堂之後為敬

一亭西為學正宅又後為講堂東西列號舍又西

北為訓導宅凡三所天順間知州衛述成化間葉盛

弘治間林璿嘉靖三十二年知州沈震各增修**元**

學士閣復記曰天之生才固間遐邇長育作成之功繫乎學而已閩蜀崎嶇去中國萬

里一沐漢唐循吏之化雋造如林民風丕變學之不可已也如是莒之為郡僻處海隅居民數百家

占儒籍者絕無而僅有廟學廢址在州治東北棟
宇毀於金季之亂鞠為園蔬者數十年於茲矣至
元乙亥歲前知州孔源始闢故基作廟以祀先聖
繪塑之工一切未暇也今聖上嗣服之初詔下部
國敦勸學校郡長僚屬相與鳩錢訓工度材于山
役隙千農凡兩易歲廟制甫完瞻聖有像居賢有
庶櫺星有門講授有堂肄業有齋於是郡人向風
稍遣子弟入學落成伊始釋菜于新宮籩豆之列
陟降之儀東人為之拭目按郡志昔故春秋莒子
國也楚既滅莒其地入齊戰國而下世為用武之
地俗祗金革蓋風土習氣使然至於樂毅伐齊堅
壁不下以明君臣之分杞梁之妻隳城著蹟以全
夫婦之義雖栢舟共姜自誓魯人為項羽守城不
是過焉二者人道之大綱見其顛沛危亡之際若
此矧茲世屬隆平人熙田里行無佩擯之虞居無
吠犬之警講明政本以淑諸人不患其俗之不美
矣為民師帥者既先輸與之功必以育材美俗為
實用與時莒人子弟胥學者衆居為善士出仕為

學校

青州府志卷九

至

良臣化荒僻為詩書之屬江漢朝宗沛然當自濫
觴始傳不云平齊一變至於魯魯一變至於道聖

哲立言豈欺我哉

國朝府丞益都冀鍊記

尚矣然惟仁君

賢佐乃能成化是以周王撫世而善莒我作魯侯修
泮而詩人頌豈非行道惟人非人不與與冀鍊曰
莒之學其先不知所自然吾聞修之者則太守沈
君云學之成也莒兩生來言曰沈公揚之與化人
也名震而以甲辰至莒問俗於教博左氏左氏曰
莒雖遐邇乃近在東海間爾自成周時蒙齊魯二
公之化故其民開寬喜義其間高賢達士載在史
傳不論矣即如樂毅伐齊三月而齊城皆下莒獨
守義不辱終拒燕以全齊祀由是觀之其於俗何
如也顧今學校少廢俗化不承於古興文之任意
者將在公平於是沈公儼然思喟然嘆曰是吾之
任也夫及謂先師果觀宮墻荒墜復嘆曰學校廢
當如是耶聖靈且未有妥何能使士有激而民思
奮憮然內懼即計所以興學校者然顧視莒郊則

荒茅叢縮於心有憂乃欲安民後動於是鏡意安
養日勤於政近悅遠來流亡踵至晨夕拊循人皆
樂業蓋至明年乙巳而民思有用公乃下令集衆
易學校而新之財不下歛役罔農妨工勤力速五
月而成其成也父老之來觀者見諸生習禮其中
彬彬文雅有感泣者矣斯沈公之績也龔子聞之
曰賢哉有是乎知教本矣莒之化其益與乎吾嘗
靜以思之帝者將平天下非興學校終無以治夫
倫彞蔽而弗著民性闇而弗昭加以賢哲罔生民
誰與理是以詩書廢而秦亡學校興而漢治不其
然歟我明之興創立學校遍乎八荒當是時天
下初定民窮財盡興學甚難而民樂趨之何哉道
在心可以聞道而死不可以廢德而生也後之君
子不能於德視泮宮為故事蝸生鼠行莫或顧省
以至嘉靖百八十年間而遠邑廟學皆敬廢湮沉
上下芻草惜矣官亦少惰焉然皆內無祗肅於興
文之志云遵帝之法興聖之教所以自立也約民
於中酒之以道所以善治也雖曰材難盡同宣化

學校

青洲府志卷九

三

官學正一員

訓導三員

俱未入流

生員廩膳三十

人 增廣三十人

附學無定額

吏一人

凡**教事**學正掌之訓導佐之州正提調其事總之
於督學憲副凡四歲以三人應貢餘並同府學

文學書院

在州西南

宋建祀先賢卜子夏西有問政堂

尋圯弘治六年副使趙鶴齡重建

社學

一在州治西知州胡川楫建

沂水儒學

在城東舊在縣治東元大曆間王簿孔

克韶建元末兵燬

國朝洪武十六年知縣陳廷

遠徙今地中為先師廟東西列兩廡前為廟門

夾以名宦鄉賢二祠門之外旁為神庫神厨宰牲

所外為泮池跨以石橋又前為櫺星門廟後為明

倫堂東西列二齋存誠擇善堂之後為敬一亭又東為

教諭宅而二訓導宅居於堂之左右弘治十三年

知縣凌相嘉靖九年知縣李汝楫相繼修

學校 青州府志卷九

閔公書院

在縣西北八十里閔公山下祀先賢閔子騫正德八

年知縣江淵建

沂水書院

在國朝副使楊光溥讀書處

社學

一在總舖西

日照儒學

在縣治西南元至正間縣尹仇敬建中為

先師廟東西列兩廡前為廟門外為泮池又前為

櫺星門西北為啓聖祠為名宦鄉賢二祠櫺星門

之南為射圃西為學門又進為儀門由儀門入中

為明倫堂東西列二齋日新時習又西為號舍堂之後

為講堂為教諭宅東西為訓導宅凡二又東為敬
一亭為饌堂為倉 **國朝**洪武二年知縣蘇惟一
正統間知縣沈慶成化間知縣趙一貫嘉靖十八
年知縣梁道盛各增修

社學

一在縣
治南

安東衛儒學

在衛始建無考舊在城西北不

稱妥揭

國朝

成化間始遷此地中為先師廟

東西列兩廡前為櫺星門廟後為明倫堂東西列

二齋

進德
修業

堂後為敬一亭又後為教授宅東西為

學校

青州府志卷九

三

訓導宅

凡二

正德間通判馮友端嘉靖間指揮楊

寰胡世宗各修輯

衛學之制二年一貢與縣同

青州府志卷之九終

